

Partisipasaun IPG nudar ORador iha Seminario Nasional Klibur Estudante Engenharia Petroleo (KEEP)

Klibur estudante Engenharia Petroleo iha loraun 21 martsu 2019 realiza seminario nasional ho tema **“Impaktu Ekonomia saida mak ita sei hetan bainhira kadores dada mai Timor – Leste”** iha resinto Auditoria Universidade Dili (UNDIL). Seminario ne'e partisipa masimo husi reprezentante universitarios no mos estudante hirak nebe mak lokalija iha Municipio Dili.

Liu husi realijasaun seminario ida ne'e, komisaun organizadora KEEP konvida orador sira husi Instituisaun ANPM (Sr.Gualdino do Carmo da Silva), Timor Gap EP (Sr. Francisco Monteiro) no reprezentante IPG (Sr. Juvencio do Rosario) nudar orador ba seminario refere hodi fahe informasaun hirak nebe relaciona ho tema seminario nebe hala'o.

IPG liu husi Divijaun Investigasaun Geolojia, Unidade Petroleo no gas nebe aprejenta iha seminario refere partilha informasaun tekniko nebe liga ho **“Prospektividade Reservatorio Alternativa iha area TLEA”** nian hodi sai hanesan informasaun alternativo ba futuro wainhira kampo produsaun hirak iha area TLEA la ekonomika ona atu halo produsaun.

Iha seminario nasional ne'e, IPG konsiente katak possibilidade reservatorio alternativo nebe ejiste iha area TLEA sei boot bajaie ba historia esplorasau no produsaun nebe mak durante ne'e hala'o tiha ona. Iha oportunidade ida ne'e IPG mos realsa katak, atu define lolos kampo potencia hirak ne'e ba futuro presija halo estudo no analija nebe klean liu tan ba dadus esplorasau hirak nebe ejiste ona no mos kompleta tan estudos balun nebe mak presija antes defini tan kampo produsaun balun iha futuro.



